

2024TDIR0003  
Luis Ezeiza Herri Eskolarentzat dirulaguntza

## ESKORIATZAKO UDALAREN ETA LUIS EZEIZA HERRI ESKOLAREN ARTEKO HITZARMENA

### BILDURIK

**ALDE BATETIK**, Edorta Zubizarreta Alegria, Eskoriatzako alkatea, Eskoriatzako Udalaren izenean eta ordezkartzan, eta horretarako ahalmenarekin.

**ETA BESTETIK**, Maitane Gomez de Segura Ceciaga Luis Ezeiza Herri eskolaren izenean eta ordezkartzan.

Bi aldeek hitzarmen hau egiteko eskumena eta gaitasuna onartzen diote elkarri eta, beraz honako hau

### ADIERAZTEN DUTE

1.-Eskoriatzako Udalak, 2 egitasmo martxan jarriko dituela Luis Ezeiza eskolarekin loturikoak, lehena hezkuntza proiektua osatzeko jarduerak aurrera eramateko dirulaguntza eta bigarrena energia kontsumoa murrizteko Ikastetxeklik proiektua. Hauei lotuta, Eskoriatzako Udaleko 2024ko aurrekontuetan Luis Ezeiza eskolarentzat 2.190€ko dirulaguntza nominatiboa aurreikusten dela jarduerak egiteko eta Gizabidea Fundazioarentzat Ikastetxeklik proiektua aurrera eramateko 1.442,12€ jaso dela.

2.-Eskoriatzako Udalak herriko ikastetxeen lana aintzat hartzen duela eta ikastetxeak herriko eragile garrantzitsuak direla, herritar askok ikasi dutelako eta ikasten dutelako bertan.

3.- Luis Ezeiza Herri eskolak hezkuntza proiektuaren osagarri diren hainbat jarduera martxan jarri dituela eta jarri nahi dituela eta horiek egin ahal izateko, orotara 2.860€ko gastua aurkeztu duela. Horretaz gain, Ikastetxeklik proiektuan parte hartzeko interesa eta konpromisoa adierazten duela.

4.- Diru laguntzei buruzko azaroaren 17ko 38/2003 Lege orokorreko 22. artikulua diru laguntza zuzenak emateko kasu bezala hitzarmenetan eta horiek arautzen dituzten araudietan ezarritakoaren arabera udal aurrekontuetan diru laguntza izendun bezala jasotakoak aurreikusten dituela: "Estatuko Aurrekontu Orokorretan aurreikusitako izendun diru laguntzat jotzen dira gutxienez bere aurrekontu zuzkidura eta onuraduna aurrekontu gastuen egoeran zehaztuta dituztenak. Diru laguntza hauen helburua berariaz zehaztuta egon beharko da dagokion lankidetzaren hitzarmenean edo diru laguntza emateko erabakian, eta edozein modutan ere, bat etorri beharko da dagokion aurrekontu kredituaren sailkapen funtzional eta ekonomikoarekin".

5.-2023ko abenduaren 21ean, Eskoriatzako Udalaren 2024-2027 Dirulaguntzen Plan Estrategikoa onartu zen. Plan horretan ildo estrategikoak jasotzen dira, seigarrena izanik, hezkuntza sustapena izenekoa eta bederatzigarren lerro estrategikoa "ingurumena" izanik.

6. lerro horren A) ekintza Luis Ezeiza Herri eskolarentzako dirulaguntza izenduna da, eta bere helburua da, eskolari laguntzea 2024ean egindako jarduerak eta ezohiko proiektuak finantzatzeko.



9. lerroan ingurumena lerroko A) ekintza, Gizabidea Fundazioarentzako dirulaguntza izenduna da, eta bere helburua da, Luis Ezeiza herri eskolan ur eta energia aurrezkoa eta eraginkortasuna sustatzeko proiektua martxan jartzen laguntzea, Ikastetxeklik proiektua finantziazten. Beraz, ikastetxearen partehartzea behar da proiekturako.

Dirulaguntzei buruzko azaroaren 17ko 38/2003 Lege orokorreko 22. artikuluan eta horrekin bat datozen arauetan ezarritakoaren arabera, alde biek ondorengo baldintzek arautuko duten hitzarmena sinatzen dutela:

## **KLAUSULAK**

### **LEHENENGOA.- HITZARMENAREN XEDEA.**

Hitzarmen honek bi helburu jasotzen ditu:

1.-2024ko ekitaldirako udal aurrekontuan Luis Ezeiza herri ikastetxearen alde dagoen diru laguntza izenduna antolatzea ez ohiko ondorengo jarduerak sortutako gastuak finantzatzen laguntzeko:

- Antzerkigintza ikasleentzat: 2.860,00€

2.- Ikastetxeklik energia aurrezpenaren proiektuan parte hartzeko konpromisoa hartzea.

### **BIGARRENA.-ARAUDI APLIKAGARRIA**

Deialdi hau ondorengo arauak arautzen dute:

- Hitzarmenak
- Eskoriatzako Udalak dirulaguntzak emateko erregimena arautzeko ordenantza orokorrak.
- 39/2015 Legeak, Administrazio Publikoen Administrazio Prozedura Erkidearenak.
- Dirulaguntzei buruzko azaroaren 17ko 38/2003 Lege Orokorrak (Estatuko Boletín Ofiziala: 2003-11-18)
- Azken hori garatzeko erregelamendua onartzen duen uztailaren 21eko 887/2006 Errege Dekretuak

### **HIRUGARRENA.- ESKORIATZAKO UDALAK EGIN BEHARREKO JARDUERAK.**

#### **A). HEZKUNTZA JARDUERARAKO DIRULAGUNTZA**

-Eskoriatzako Udalak konpromisoa hartzen du gehienez ere 2.190€-ko dirulaguntza emateko 0400.481.323.40.01 aurrekontu aplikazioaren kargura aurreko baldintzan zerrendatutako jarduerak sortutako gastuak finantzatzen laguntzeko.

Luis Ezeiza herri eskolak jasoko duen dirua dirulaguntza honen helbururako gastuak ordaintzeko erabili ahal izango da bakarrik, hau da, ezingo da beste helburu batzuetarako erabili.

Udalari alde aurretik jakinarazita, ekintzaren bat egin gabe utzi eta horren orde bestea bat jarri ahalko du. Horretarako, Udalaren oniritzia izan behar du eta proposamena eta aurrekontua batera aurkeztu beharko dira. Ekintza berriak aurrekontu handiagoa eskatzen bada, ezin izango du diru kopuru handiagoa eskatu. Aurrekontua txikiagoa bada, berriz, diru laguntza berrikusi ahal izango da.

Ekintza edo jarduera hauetako bat bertan behera geratuz gero ez da diru laguntza kopurua gutxituko baldin eta diru laguntzaren %100a zuritzen bada.

#### **B).- IKASTETXEKLIK PROIEKTUA**

-Ikastetxeklik proiektuari lotuta, hau aurrera eramateko Gizabidea Fundazioari 1.442,12€ko dirulaguntza ematea, Luis Ezeizan energia kontsumoa gutxitzeko egitasmoa martxan jartzeko.



-Eskoriatzako Udalak konpromisoa hartzen du energia kontsumoa gutxitzetik jasotako aurrezpenaren %100a berriro ere ikastetxean inbertitzeko energia aurrezteko, eraginkortasunez erabiltzeko eta energia berriztagarriak instalatzeko, 3.000,00€ko mugarekin.

### **LAUGARRENA.- HEZKUNTZA JARDUERETARAKO DIRUZ LAGUNDU DAITEZKEEN GASTUAK.**

Diruz lagundu daitezkeen gastutzat joko dira diruz lagundutako jardueraren izaerarekin bat etorri eta zazpigarren baldintzan zehaztutako justifikazio epea amaitu baino lehen egiten direnak.

Diruz lagungarri izan daitezkeen gastu kontzeptuei dagokienez, gastu tipologia zehazteko ondorengo mugak ezartzen dira:

Langileen (finko zein aldi baterako) zuzeneko kostuak diruz lagungarriak izango dira bakarrik langile horiek diruz lagundutako jardueran eginkizun zuzen eta giltzarria badute, eta betiere, kobratutako kopuru osoa ez bada 150 euro baino handiagoa eta kopuru hori ez bada jardueraren gastu osoaren % 10 baino handiagoa. Ez dira zuzeneko kostu diruz lagungarriak, eta zeharkako kostutzat joko dira, laguntza emateko soilik diren erakundeko langileak (adibidez, zuzendari nagusia, kontularia, kontratazio arloan laguntza ematen duena, giza baliabideetakoak, informazio teknologietakoak, administrari laguntzailea eta abar).

- Administrazio eta antolaketa barne kostuek ez dute laguntzarik edo diru laguntzarik izango.

- Ez dira onartuko bazkari, afari edo ostalaritza zerbitzuko gastuak, diruz lagundutako ekintzan parte hartzen dituztenekin sortutakoak izan ezik, eta hala denean, egindako gastuaren eta lortu nahi den helburuaren arteko proportzionaltasuna gorde beharra dago.

- Ez dira onartuko kilometraje, ibilgailuentzako erregai, telefono zerbitzu partikular edo antzeko gasturik.

- Ez dira onartuko gastu oharrak eta beste dokumentu batzuk, legezko baliodun faktura edo egiaztagiritzat jotzeko eskatzen diren arauzko baldintzak betetzen ez badituzte.

### **BOSGARRENA.- HEZKUNTZA JARDUERETARAKO BESTE LAGUNTZA BATZUEKIN PILATZEKO AUKERA ETA FINANTZAZIO MUGAK.**

Emandako diru laguntza bateragarria izango da helburu bererako Udalak edota beste erakunde publiko edo pribatuek emandako diru laguntzarekin. Hala ere, inolaz ezin izango da onartu gain-finantziatorik. Horrelakorik gertatuz gero, emandako diru laguntza murriztu egingo da diruz lagundutako ekintzaren kostu totalaren mugara.

### **SEIGARRENA.- LUIS EZEIZA HERRI ESKOLAREN BETEBEHARRAK.**

- Hezkuntza proiektuekin lotura duten ekintzei dagokionez, diru laguntza emateko arrazoia den jarduerak egitea.

- Baldintzak bete direla eta jarduerak egin direla justifikatzea.

-Jardueraren garapenari buruzko informazioa ematea jarraipena egin ahal izateko eta Udalak eman dezakeen laguntzarako.

-Diru laguntza emateko kontuan hartu den edozein gorabehera aldatuz gero, horren berri ematea Udalari.



- Udalak egin beharreko egiaztatze jardunak onartzea, bai eta eskuduntza izendaturik duten kontrol organoek -estatukoak nahiz erkidegokoek- egin ditzaketan egiaztatze eta finantza kontrolerako beste edozein ere, eta jardun horiek egiterakoan errekeritzen zaien informazio guztia ematea.

- Diruz lagundutako jarduera finantzatzeko beste diru laguntza, laguntza, diru sarrera edo bitarteko batzuk lortu baditu, udalari jakinaraztea. Laguntza horien berri izan eta berehala egin beharko da jakinarazpena, eta edozelan ere, funtsei emandako aplikazioa justifikatu baino lehen.

- Zerga betebeharrak eta Gizarte Segurantzarekikoak egunean izatea hitzarmena sinatu baino lehen eta hitzarmenaren indarraldiak dirauen bitartean.

- **Ikastetxeklik egitasmoari** dagokionez, energia aurrezteko neurriak hartzea, betearaztea eta jarraipena egitea.

- Udalari Ikastetxeklik egitasmoaren inguruko informazioa ematea honek jarraipena egin dezan.

-Diruz lagunduko diren jarduerak euskaraz eskainiko dira, ikastetxearen ohiko jardunarekin bat eginez.

-Martxoaren 16ko 1/2023 Legegintzako Dekretuaren bidez onartutako Emakumeen eta Gizonen Berdintasunerako eta Emakumeen aurkako Indarkeria Matxistarik gabe Bizitzeko Legearen testu bateginaren 23.artikuluan ezarritakoaren arabera, dirulaguntza jasotzen duten erakundeek hizkera ez-sexista erabili beharko dute aurkezten dituzten memoria, proiektu eta gainerako testuekin. Era berean, genero-estereotipoak errepikatzea saihestu beharko da, eta emakumeen eta gizonen berdintasuna aktiboki sustatu, egiten diren irudi, komunikazio, argitalpen, programa, ikastaro eta abarretan.

## **ZAZPIGARRENA.-ESKAERAK AURKEZTEKO MODUAK**

39/2015 Legearen 14. artikuluan xedatutakoaren arabera, pertsona juridikoek administrazio publikoekin harremanak bitarteko elektronikoen bitartez izateko betebeharra dute. Hori horrela, dirulaguntza hau ezin da presentzialki eskatu eta telematikoki egin beharko da eskaera.

Eskaera telematikoki hori eguneko 24 ordutan, asteko 7 egunetan egin ahal izango da, Eskoriatzako Udalaren egoitza elektronikoen ([www.eskoriatza.eus](http://www.eskoriatza.eus)) "Tramiteak" atalean. (<https://labur.eus/R9fsY>)

## **ZORTZIGARRENA.-HEZKUNTZA JARDUERETARAKO DIRULAGUNTZA ORDAINTZEKO EPEAK.**

Diru laguntza modu honetara ordainduko da:

% 60a ondorengo dokumentazioa elektronikoki aurkeztutakoan eta hitzarmen hau sinatu ondoren:

- Diruz laguntzen diren jarduera bakoitzaren programa-memoria.
- Jarduera bakoitzaren diru sarreren eta gastuen aurrekontu xehatua.
- Helburu bererako eskatutako edota jasotako beste laguntzei buruzko zinpeko aitortpena.
- Diru laguntza ordaindu beharreko banku-kontua.
- Gizarte Segurantzarekiko, Eskoriatzako Udalarekiko eta Foru Ogasunarekiko zerga betebeharrak egunean dituela egiaztatzea.

Gainerako % 40a, organo eskudunak diru laguntzaren kitapena onartutakoan ordainduko da, hau da, diruz lagundutako jarduerak erabat eta zuzen justifikatutakoan 9. baldintzan eskatutako dokumentazioa aurkeztuta.



## **BEDERATZIGARRENA.- HEZKUNTZA JARDUERETARAKO DIRULAGUNTZAREN JUSTIFIKAZIOA.**

Justifikatzeko modua KONTU SINPLE JUSTIFIKATU bidez izango da.

Hitzarmenaren helburu diren jarduerak amaitu eta HILABETERA, eta edozein modutan ere, urte honen azaroaren 19a baino lehen, Luis Ezeiza herri eskolak ondorengo dokumentuak aurkeztu beharko ditu elektronikoki [www.eskoriazta.eus](http://www.eskoriazta.eus) atarian:

- Eskaera orria.
- Jarduerak egin zirela eta helburuen betetze maila egiaztatze txostena.
- Dokumentazio grafikoa (kartelak, liburuxkak, libretoak, banatutako idatzizko materiala, prentsa oharrak eta abar).
- Diruz lagundutako jardueran izandako sarreraren eta gastuen balantzea, hasieran aurkeztutako aurrekontuari egokitu dela egiaztatze txostena. Balantze hori organo eskudunak onartuta eta erakundeko idazkariak ziurtatuta egon beharko da. Hasieran aurkeztutako aurrekontuari zein neurritan egokitu zaion balantzea egiaztatze txostena, justifikazioarekin batera hasierako aurrekontuarekiko balantzeak izandako desbideraketa taula aurkeztu beharko da, eta desbideraketarik izanez gero, horiek justifikatzeko txostena ere egin beharko da.
- Idazkariak presidentearen oniritziarekin egindako ziurtagiria diruz lagundutako jarduerarako jasotako diru laguntzei eta gainerako sarrerei buruz, horiek balantzean jasota edo jaso gabe egotea kontuan hartu gabe. (nork emandakoa eta zenbatekoa den jaso beharko da).
- Jarduerak sortutako gastuen zerrenda sailkatua honako hauekin: hartzekodunaren identifikazioa, faktura zenbakia edo froga-balio baliokidea duen dokumentua, zenbatekoa, fakturaren data eta ordainketa eguna.
- Jardueragatik egindako gastuen jatorrizko fakturak (ordainketa egiaztatuta) behar bezala beteta, Diruz lagundutako jarduera osoarengatik aurkeztu beharko dira fakturak, nahiz eta Udalak emandako diru laguntza hasierako aurrekontua baino txikiagoa izan.
- Jatorrizko fakturak, Luis Ezeizari itzuliko zaizkio dagokion egiaztapenak egindakoa.
  - a) Fakturak, gutxienez, honako hauek izan beharko dituzte:
    - Faktura egiten duen enpresa edo pertsona fisikoaren datu guztiak: Izena, helbidea IFK edo NAN
    - Luis Ezeizak ordaintzeko jaulkitako fakturak izan beharko dira, eta bertan jaso beharko dira bere izena, helbidea eta IFK, kontzeptua, unitateak, koste totala unitateko, koste totala eta BEZ banakatua edo BEZ barne den, faktura zenbakia, jaulkipen data eta ordainketa modua. BEZa salbuetsita duten operazioetan hori egiteko arauaren erreferentzia jaso beharko da.
- Gastuak justifikatzerakoan aurkeztutako fotokopietan izandako faltsukeriagatik, zehaztasun ezagatik edo akatsetan egon daitezkeen gorabeherak zigortu egingo dira diru laguntza kitatzerakoan.
- Salbuespen gisa legez ezarritako baldintzak (BEZ, autonomoetan alta, JEZ eta abar) betetzen dituzten fakturak egiteko moduan ez dauden pertsonen emandako zerbitzuetan edo egindako lanetan, ordainketa jasotzen duenaren jasotze-agiria onartuko da fakturaren ordezkotzat bezala, betiere, gutxienez ondoren esango diren datuak baldin baditu, kobratutako kopurua ez baldin bada 125€ pertsonako baino handiagoa eta fakturatzat hartzeko eskatzen diren baldintzak betetzen ez dituzten gastu ohar edo dokumentu guztien batuketara ez bada jardueraren gastu guztiaren %25a baino handiagoa:



- a) Ordainketa data, antolatzen den datarekin bat etorri beharko dena
  - b) Ordaindutako zenbatekoa.
  - c) Ordainketa jasotzen duenaren (izena, 2 abizen eta NAN) eta ordainketa agintzen duenaren identifikazioa.
  - d) Zein kontzeptutan agintzen den ordainketa.
- Fakturen edo ordainagirien data jardueraren exekuzio aldiaren barruan egon beharko da. Exekuzio aldiaren aurreko data duten fakturak bakarrik onartuko dira programaren jarduerak garatzeko aurrez ordaindu behar izanez gero.

#### **HAMARGARRENA.- HEZKUNTZA JARDUERETARAKO JARRAIPEN BATZORDEA.**

Bi aldeek beharrezkotzat jotzen dute hitzarmenaren jarraipen batzordea eratzea, alde bakoitzeko kide batek osatuko duena. Aurreikusitakoa eta hartutako konpromisoak betetzen direla zainduko du batzordeak eta orokorrean etorkizunean gertatu litezkeen auziaz arduratuko da.

Batzorde horretako kide izango dira:

- Udalaren aldetik: Hezkuntza teknikaria, Ingurumen teknikaria eta Hezkuntza zinegotzia edo berak izendatutako pertsona.
- Luis Ezeizaren aldetik: eskolako idazkaria edo zuzendaria.

#### **HAMAIKAGARRENA.- ALDEEK BERE GAIN HARTUTAKO BETEBEHARRAK ETA KONPROMISOAK EZ BETETZETIK ERATORRITAKO ONDORIOAK**

Hitzarmen hau alde biek hala adosten dutenean suntsituko da. Era berean, alderen batek baldintzetakoren bat betetzen ez duenean ere suntsitu egingo da, betiere, hilabete aurretik alde horri kontratua suntsituko dela era fede-emailean jakinarazi eta gero.

Hitzarmenaren sinatzaile batek bere gain hartutako betebeharrak eta konpromisoak ez betetzea hitzarmena suntsiarazteko arrazoia izango da, Sektore Publikoaren Araubide Juridikoari buruzko urriaren 1eko 40/2015 Legearen 51.2 artikuluan xedatutakoaren arabera.

Hitzarmena sinatu duten aldeetako edozeinek errekerimendu bat jakinarazi ahal izango dio bere ez duen aldeari, epe jakin batean bere ez direla uste diren betebeharrak edo konpromisoak bete ditzan. Errekerimendu horren berri emango zaio Jarraipen Batzordeari.

Errekerimenduan adierazitako epea igaro ondoren, salatu den ez-betetzeak jarraitzen badu, hura abiarazi zuen aldeak suntsiarazteko arrazoia dagoela jakinarazi beharko du, eta, horren ondoren, hitzarmena suntsituzat joko da.

Hitzarmena ez betetzeagatik suntsiarazteak egiaztatuta geratzen diren kalteen kalte-ordaina ekarri ahal izango du.

#### **HAMABIGARRENA.- HITZARMENAREN INDARRALDIA**

Hitzarmen hau sinatzen den egunean sartuko da indarrean eta 2024ko abenduaren 31 arte iraungo du.

#### **HAMAHIRUGARRENA.- IZAERA.**

Hitzarmen honen aplikaziotik, interpretaziotik, aldaketatik, ondorioetatik eta ebazpenetik auziak edo eztabaidak sortuko balira, administrazioarekiko auzien jurisdikzioa arautzen duen uztailaren 13ko 29/1998 Legeak dioenaren arabera ebatziko dira.



**Eta, ados daudela adierazteko, alde biek hitzarmen hau sinatzen dute ondorio bakarrerako, goiburuan adierazitako lekuan eta egunean.**

Edorta Zubizarreta Alegria  
ESKORIATZAKO UDALAREN ALDETIK

Maitane Gomez de Segura Ceciaga  
LUIS EZEIZA HERRI ESKOLAREN ALDETIK